

REDONDELA**EDICTO**

De conformidade co disposto no artigo 59.4 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, notificase ás persoas que a continuación se relacionan a Resolución adoptada polo Concelleiro Delegado de Medio Ambiente en data 08.08.05.

“Iniciouse expediente sancionador en data 07.04.05 pola comisión dunha infracción leve da Ordenanza municipal municipal de protección do medio ambiente contra a contaminación acústica do Concello de Redondela (B.O.P. nº 188 de 30.09.03) consistente na superación dos niveis sonoros permitidos polos ladridos continuados dun can procedentes da vivenda 1º C da Avda. de Vigo, 294, Chapela, Redondela.

Notificada a resolución, non se recibiron alegacións no trámite de audiencia.

Trasladouse a proposta de resolución formulada pola Instructora en data 13.06.05, sen que se tiveran recibido alegacións á mesma.

Con base no exposto, o Concelleiro Delegado de Medio Ambiente, no exercicio das delegacións da Alcaldía de 18 de xullo de 2003 (B.O.P. nº 162, do 25.08.03) e 15 de febreiro de 2005 (B.O.P. nº 42, do 02.03.05), e de acordo co disposto no art. 20 do RD 1398/1993, de 4 de agosto, polo que se regula o procedemento para o exercicio da potestade sancionadora

RESOLVE

Sancionar a dona Laurentina Ángel Fuster, DNI 36058979Q, con domicilio en Avda. de Vigo, 294, 1º C, cunha multa de 200,00 euros, pola comisión dunha infracción leve descrita no artigo 37.a) da Ordenanza de referencia (“superación dos límites admitidos ata 5 dB (A)»), e sancionada no artigo 40.a).

O que teño a ben comunicarlle para o seu coñecemento e aos efectos oportunos.

Contra deste decreto poderanse interpor os seguintes recursos:

- * A presente resolución esgota a vía administrativa, polo que contra da mesma poderase interpor, diante da Alcaldía, recurso potestativo de reposición no prazo dun mes contado desde o día seguinte ao da presente notificación, que se entenderá desestimado se transcorre un mes desde a súa interposición sen notificarse resolución expresa.
- Así mesmo, poderase interpor recurso contencioso-administrativo diante do Xulgado do Contencioso-Administrativo, no prazo de dous meses contados desde o día seguinte ao

de notificación desta resolución, ou da resolución —no seu caso— do recurso potestativo de reposición, prazo que se amplía a seis meses no suposto de que deba entenderse presuntamente desestimado o recurso potestativo de reposición indicado no parágrafo anterior.

Información que se traslada sen prexulzo de que se poida utilizar calquera outro recumo que se estime oportuno.”

Redondela, 22 de agosto de 2005.—O Secretario Accidental, Bernardo Soto López. **2005007867**

A N U N C I O

O Concello Pleno, en sesión celebrada o día 10 de agosto de 2005, aprobou definitivamente o seguinte:

REGULAMENTO DOS MERCADOS DE ABASTOS DO CONCELLO DE REDONDELA**ÍNDICE:**

TÍTULO PRELIMINAR (AMBITO, OBJETO DE APLICACIÓN E ÓRGANOS COMPETENTES): ART. 1-11	
TÍTULO PRIMERO (OS ALIMENTOS):	ART. 12-41
* CAPÍTULO I (DISPOSICIÓN XERAIS):	ART. 12-16
* CAPÍTULO II (DA CARNE E DOS PRODUCTOS CÁRNICOS):	ART. 17-19
* CAPÍTULO III (O PESCADO)	ART. 20-23
* CAPÍTULO IV (O LEITE E SEUS DERIVADOS):	ART. 24
* CAPÍTULO V (DOS ALIMENTOS DE ORIGEN VEGETAL):	ART. 25
* CAPÍTULO VI (PANADERÍA E PASTELERÍA): ...	ART. 26-27
* CAPÍTULO VII (ALMACENAMIENTO FRIGORÍFICO DE ALIMENTOS E PRODUCTOS ALIMENTICIOS): ..	ART. 28-31
* CAPÍTULO VIII (TRANSPORTE DE ALIMENTOS):	ART. 32-38
* CAPÍTULO IX (INSPECCIÓN E CONTROL SANITARIO):	ART. 39-41
TÍTULO SEGUNDO (DAS CONDICIÓNS DE VENDA DOS ALIMENTOS):	ART. 42-51
* CAPÍTULO I (CONDICIÓNS XERAIS):	ART. 42-44
* CAPÍTULO II (CONDICIÓNS DO PERSOAL):	ART. 45-51
TÍTULO TERCEIRO (OS MERCADOS MUNICIPAIS)	ART. 52-108
* CAPÍTULO I (CLASES, CONCEPTO E RÉXIME XERAL)	ART. 52-54
* CAPÍTULO II (MERCADOS MUNICIPAIS).....	ART. 55-108
SECCIÓN 1ª (DOS LOCAIS DE VENDA E DOS SEUS TITULARES)	ART. 55-69
SECCIÓN 2ª (CARACTERÍSTICAS DOS LOCAIS, OBRAS E INSTALACIÓN)	ART. 70-74
SECCIÓN 3ª (SERVICIOS E INSTALACIÓN XERAIS)	ART. 75-78
SECCIÓN 4ª (DO PERSOAL ENCARGADO DO MERCADO)	ART. 79
SECCIÓN 5ª (OBRIGAS E DEREITOS DOS CONCESIONARIOS E VENDEDORES. CONDICIÓNS DE VENDA)	ART. 80-85

SECCIÓN 6ª (DA COMISIÓN COLABORADORA DE VENDEDORES)	ART. 86-88
SECCIÓN 7ª (RÉXIME SANCIONADOR)	ART. 89-97
SECCIÓN 8ª (PROCEDEMENTO SANCIONADOR)	ART. 98
SECCIÓN 9ª (EXTINCIÓN DA CONCESIÓN)	ART. 99-103
SECCIÓN 10ª (OBRAS, INSTALACIÓNS E SERVICIOS)	ART. 104-108
DISPOSICIÓN FINAL.	

TÍTULO PRELIMINAR

ÁMBITO, OBXECTO DE APLICACIÓN E ORGANOS COMPETENTES

ARTIGO 1:

En uso da potestade regulamentaria outorgada polo artigo 4.1 a) da Lei 7/85, Reguladora das Bases de Réxime Local, o Concello de Redondela aproba o presente Regulamento a fin de regular a prestación dos servicios de abastecemento, a través dos Mercados Municipais, garantindo por medio da libre competencia e da oportuna tutela administrativa, a plena satisfacción de ditas necesidades.

ARTIGO 2:

De acordo co Código Alimentario Español, Regulamentacións Técnicas Sanitarias e demais disposicións legais estatais e autonómicas, e tendo en conta os avances tecnolóxicos e a evolución nas costumes alimentarias dos habitantes, este Regulamento ten por obxecto:

1) Definir as condicións, requisitos e termos xerais ós que se axustara o exercicio da venda nos Mercados Municipais existentes na actualidade no termo municipal de Redondela e os que na sucesiva se constitúan ou instalen polo Concello ata que non se modifique ou derogue este.

2) Fixar as condicións ás que se axustarán os alimentos, materiais e produtos alimentarios.

3) Establecer as condicións hixiénico- sanitarias do persoal que intervéen na elaboración, manipulación e comercialización de produtos e útiles alimentarios.

ARTIGO 3:

Enténdese por "actividade alimentaria", a produción, elaboración, envasado, conservación, transporte, conxelación, distribución e venda de alimentos e produtos alimenticios.

ARTIGO 4:

Os Mercados Municipais, son bens de dominio público adscritos a un servicio público, onde se exerce como obxecto primordial, a venda a detalle de artigos alimentarios de primeira necesidade aínda cando poida autorizarse polo Concello, a venda doutros produtos non alimenticios de acordo ó disposto neste Regulamento.

ARTIGO 5:

1) Concello exercerá nos mercados municipais, a necesaria intervención administrativa, a vixilancia hixiénico- sanitaria e cantas funcións indiquen exercicio da autoridade e sexan da súa competencia.

2) A intervención administrativa do Concello dirixirase a:

- Vixiar o cumprimento de cantas disposicións vixentes e futuras, incidan sobre a materia de abastecemento ós mercados e condicións técnico-sanitarias dos produtos.
- A asegurar a provisión de artigos de consumo de primeira necesidade.
- A calidade dos ofrecidos na venda
- A fidelidade no despacho dos que expandan a peso ou medida
- A normalidade dos prezos
- A libre competencia entre os comerciantes como medio de procurar a economía de aqueles e dos consumidores.

3) O Concello sancionará calquera actuación ou conducta que atente contra o preceptuado no apartado anterior.

ARTIGO 6:

1) Os Mercados estarán abertos de 8 a 14 horas, de luns a sábado. Tamén estarán abertos con ese horario os días de feira que coincidan en domingo ou en festivo.

Porén, o Concello poderá autorizar a entrada no mercado fóra das horas de venda para o despece de carnes, entrada de vultos, limpeza de postos e obras previamente autorizadas.

2) Durante as horas de venda ó público non se transportarán mercancías en carretilla polos corretores, nin se ocuparán con envases ou outros obxectos, de maneira que obstrúan ou dificulten o tránsito do público.

ARTIGO 7:

Queda prohibida a instalación de máquinas recreativas e de azar, no interior dos recintos municipais, asimesmo non se permite fumar no interior dos Mercados Municipais.

ARTIGO 8:

Nos mercados de abastos non se admitirá o voceo, o uso de megafonía ou de ningún outro medio sonoro para o ofrecemento dos produtos e mercancías.

ARTIGO 9:

Son órganos competentes nesta materia: O Pleno da Corporación, a Alcaldía ou a Concellería Delegada.

ARTIGO 10:

Corresponderá o Pleno:

- 1) A aprobación, modificación ou derogación deste regulamento e a interpretación deste, co cumprimento dos requisitos e trámites legais establecidos.
- 2) O cambio, supresión ou a creación dos Mercados.

ARTIGO 11:

Corresponderá a Alcaldía ou Concellería Delegada:

1. A dirección, organización, inspección e impulsión do servició dos mercados.
2. Modificar os horarios dos mercados e os días de apertura, dando conta o Pleno.
3. O exercicio de potestade sancionadora.
4. Todas aquelas que aínda non estando sinaladas expesamente neste regulamento se consideren necesarias ou conveñan para mellorar o funcionamento en beneficio dos usuarios.
5. Todas aquelas atribucións que non figuren sinaladas ó pleno.

TÍTULO PRIMEIRO**OS ALIMENTOS****CAPÍTULO I****DISPOSICIÓN XERAIS****ARTIGO 12:**

1.—Teñen a consideración de alimentos todas aquelas sustancias ou produtos de calquera natureza, sólidos ou líquidos, naturais ou transformados, que polas súas características, compoñentes, aplicacións, preparativos e estado de conservación, sexan susceptibles de ser habitual e idoneamente utilizados para algún dos seguintes fins:

- a) Para a normal nutrición humana
- b) Como produtos dietéticos, en casos especiais de alimentación humana

2.—Teñen a consideración de produtos alimentarios todas as materias non nocivas, en sentido absoluto ou relativo, que sen valor nutritivo podan ser empregados en alimentación.

3.—Teñen a consideración de útiles alimentarios os vehículos de transporte, maquinarias, utillaxes, recipientes, envases e embalaxes, etiquetas e precintos de tódalas clases que usualmente se empregan para a elaboración, fraccionamento, conservación, transporte, rotulación, precintado e exposición de alimentos e produtos alimenticios.

ARTIGO 13:

As formas de exposición, presentación, manipulación, conservación, conxelación e embalaxe dos distintos alimentos e produtos alimenticios, serán as que figuren nas correspondentes Regulacións Técnico-Sanitarias.

ARTIGO 14:

Os produtos alimenticios non serán manipulados polos compradores.

ARTIGO 15:

Os produtos alimenticios, calquera que sexa a súa natureza, incluso froitas e verduras, atoparanse separados do chan

ARTIGO 16:

Aqueles produtos nos que a venda fraccionada estea autorizada, deberán obrigatoriamente conservar a información correspondente do etiquetado do envase, ata a finalización da venda, para permitir en calquera momento unha correcta identificación do produto.

CAPÍTULO II**DA CARNE E DOS PRODUCTOS CÁRNICOS****ARTIGO 17:**

Tódalas carnes destinadas ó consumo humano dos habitantes do Municipio de Redondela, procederán necesariamente dos matadoiros industriais, centros de conxelación de carnes e salas de despece debidamente autorizados e inscritos no rexistro sanitario.

ARTIGO 18:

As canles, medias canles, os cuartos e pezas de carne expoñeranse en lugares non accesibles ó público, protexéndose do contacto coas mans, o alento, contaminación e sempre refrixeradas.

ARTIGO 19:

1.—Os titulares dos puntos de venda de toda clase de carne e produtos cárnicos, terán a disposición dos inspectores municipais o correspondente certificado de inspección veterinaria e/ou os albaráns, coa conformidade da inspección sanitaria correspondente ó produto que teñan á venda.

2.—Igualmente, terán o albarán identificativo das carnes, dos seus produtos elaborados e subministrados pola empresa, nos que figurará o nome do titular, a dirección, o número de identificación fiscal, o nome e a dirección do vendedor.

3.—Tódalas canles irán debidamente seladas co selo oficial de inspección veterinaria.

CAPÍTULO III**O PESCADO****ARTIGO 20:**

Os titulares das pescaderías terán a disposición dos inspectores municipais, a documentación acreditativa da procedencia do produto.

ARTIGO 21:

Os produtos de pesca conxelados conservaranse e presentaranse en este estado, ata o momento da venda ó consumidor, a -18°C .

ARTIGO 22:

Os produtos de pesca frescos estarán sobre unha capa de xeo permanente e cubertos con esca-
mas de xeo, mentres se mostren ó público, ou en vi-
trinas refrixeradas.

ARTIGO 23:

Os moluscos de depuración obrigatoria dispoñe-
rán en todo momento da tarxeta de salubridade.

CAPÍTULO IV**A LEITE E SEUS DERIVADOS****ARTIGO 24:**

Tódolos derivados lácteos presentaranse coas
denominacións que especificamente lles corres-
pondan, etiquetado e rotulado de acordo coas
disposicións vixentes e conservados en condi-
cións de temperatura e humidade adecuados á súa
natureza.

CAPÍTULO V**DOS ALIMENTOS DE ORIXE VEXETAL****ARTIGO 25:**

Os servicios municipais dentro das súas respec-
tivas competencias, inspeccionarán as froitas, hor-
talizas e verduras, introducidas para o consumo do
Municipio e comprobarán a súa procedencia.

CAPÍTULO VI**PANADERÍA E PASTELERÍA****ARTIGO 26:**

Para a venda de pan e artigos de panadería, te-
ranse en conta as disposicións establecidas polo
Ministerio de Sanidade sobre comercialización e
venda de pan.

ARTIGO 27:

Os produtos de pastelería estarán debidamente
conservados.

CAPÍTULO VII**ALMACENAMENTO FRIGORÍFICO DE ALIMENTOS
E PRODUCTOS ALIMENTICIOS****ARTIGO 28:**

1.—As cámaras frigoríficas, así como as condi-
cións de almacenaxe dos alimentos refrixerados,
conservados por frío, conxelados ou ultraconxela-
dos, regularanse pola correspondente Regulamen-
tación Técnico- Sanitaria.

2.—As cámaras frigoríficas necesitarán a autori-
zación do Concello.

ARTIGO 29:

As cámaras frigoríficas e sitios anexos serán
aptos para o uso os que se destinen. Prohibirase a
venda de conxelados, en aqueles postos que care-
zan de vitrinas conxeladoras ou algún outro méto-
do expositor adecuado.

ARTIGO 30:

No almacenamento frigorífico de alimentos, te-
rase en conta, ademais da temperatura e da humi-
dade relativa requiridas para cada produto, a
transmisión de olores duns produtos ós outros, evi-
tando a súa permanencia simultánea na mesma cá-
mara. Os produtos de orixe vexetal manteranse se-
parados, de acordo coas condicións tecnolóxicas de
almacenamento de cada un, as cales poden diferir
incluso entre variedades da mesma especie, tendo
presente que hai que evitar a súa permanencia si-
multánea nunha mesma cámara frigorífica, a emi-
sión de substancias por parte dalgúns deles que
poden influír na evolución doutros durante o seu al-
macenamento. Os produtos conxelados que se ato-
pen envasados ou acondicionados ou pechados de-
bidamente non presentan incompatibilidade para
poder almacenarse simultaneamente na mesma cá-
mara frigorífica, debendo respectar as condicións
tecnolóxicas de conservación de cada un.

ARTIGO 31:

Prohíbese:

- 1) Deter o funcionamento das cámaras frigorífi-
cas, mentres existan alimentos almacenados.
- 2) Admitir produtos que non cheguen acompa-
ñados de documento sanitario que acredite a súa
procedencia e calidade sanitaria, cando sexa pre-
ceptivo.
- 3) Almacenar partidas de alimentos alterados,
contaminados ou adulterados.
- 4) Almacenar produtos refrixerados en cáma-
ras de almacenamento de produtos conxelados e
viceversa.
- 5) Conxelar produtos en cámaras de almacena-
mento de produtos conxelados.
- 6) A reconxelación de produtos desconxelados
parcial ou totalmente.
- 7) A desconxelación de produtos alimenticios
conxelados para a súa venda ó consumidor como
produtos frescos.
- 8) Conxelar simultaneamente lotes de produtos
incompatibles, ou consecutivamente sen unha pre-
via limpeza e desinfección.
- 9) A presenza de substancias tóxicas, parasitici-
das, redenticidas e outros axentes de protección e
exterminio.
- 10) Almacenar produtos non alimentarios en
cámaras frigoríficas.

CAPÍTULO VIII

TRANSPORTE DE ALIMENTOS

ARTIGO 32:

Enténdese por transporte todas aquelas operacións que comprenden o traslado de alimentos e os medios necesarios para conseguilo.

ARTIGO 33:

1) Para o transporte de alimento empregárase vehículos que reúnan condicións xerais que establece o Código Alimentario Español, e as respectivas Regulamentacións Técnicas- Sanitarias para cada clase de produto e tamén a Regulamentación específica do transporte terrestre de alimentos, e produtos alimentarios a temperatura regulada.

2) Cando se transporten produtos perecederos, transportaranse en vehículos isotermos, refrixerantes, frigoríficos e caloríficos.

3) Calquera vehículo que non reúna as condicións establecidas, retirárase inmediatamente do servizo.

ARTIGO 34:

O transporte en réxime de refrixeración ou conxelación dos distintos tipos de produtos alimenticios, realizarase respectando as temperaturas máximas establecidas pola normativa aplicable para cada un dos mesmos.

ARTIGO 35:

1.—Os alimentos ou produtos alimentarios que, polas súas características non vaian debidamente protexidos cun envase ou embalaxe, non poden colocarse sobre o chan do vehículo, nin sobre calquera tipo de protección do mesmo, susceptible de ser pisada.

2.—O transportista deberá proverse da documentación correspondente ós alimentos transportados, cando así este regulamentado.

ARTIGO 36:

1.—As operacións de carga e descarga dos vehículos, efectuarase tan rapidamente como sexa posible.

2.—No transcurso das operacións de carga e descarga, os produtos que non estén contidos nun embalaxe resistente que os protexa completamente, non deberán nunca depositarse no chan.

ARTIGO 37:

Durante o transporte cumprírase o seu obxectivo principal, que consiste en manter a temperatura esixida do mesmo, o que é responsabilidade exclusiva do transportista.

ARTIGO 38:

Prohíbese:

1) Transportar alimentos ou produtos alimentarios xunto e alternativamente con sustancias tóxicas ou perigosas, praguicidas e outros axentes de prevención e exterminación.

2) Transportar partidas de alimentos alterados ou contaminados, xunto con outros aptos para o consumo humano.

3) Empregar no transporte calquera tipo de instalación frigorífica, calorífica ou de illamento non autorizado para este fin, ou fluídos frigoríficos non autorizados con carácter xeral ou específico, polas autoridades correspondentes.

4) Transportar alimentos ou produtos alimentarios dispostos para a venda directa ó consumidor final que non están debidamente envasados, etiquetados ou identificados de acordo coa súa Regulamentación Técnico- Sanitaria ou Norma de calidade.

5) En ningún caso poden transportarse persoas ou animais nas caixas de vehículos.

6) Deixar fóra de servizo o equipo de produción de frío durante o transcurso do transporte.

CAPÍTULO IX

INSPECCIÓN E CONTROL SANITARIO

ARTIGO 39:

Os mercados municipais están sometidos ó control sanitario dos alimentos que expoñan á venda ou almacenen, e da hixiene dos locais de venda, mediante o correspondente servizo de Inspección Veterinaria.

Corresponde a inspección sanitaria de todos os artigos que se ofrezan ó público no recinto do Mercado de Abastos ó Inspector-Sanitario titular do Concello que actuará por propia iniciativa e terá por cometido:

1) A inspección e vixilancia sanitaria de todos os produtos que se ofrezan en venda.

2) Ordear o decomiso dos produtos que non reúnan as condicións sanitarias adecuadas.

3) Inspeccionar a hixiene dos postos de venda propoñendo medidas a adoptar e sancións a imponer.

4) Actuar no caso de denuncia xirando visita de inspección ós postos denunciados, da que levantará acta, propoñendo as medidas a adoptar segundo o resultado da inspección.

5) Xirar visitas periódicas a cada posto ou local do Mercado de Abastos con levantamento da correspondente acta, na que emitirá o informe correspondente e, no seu caso, propoñerá a adopción das medidas adecuadas.

6) Poderá requerir, o auxilio da Policía Local cando o considere necesario para a súa laboura inspectora.

7) Atender as demandas ou reclamacións que se formulen sobre o estado dos produtos adquiridos polos usuarios e compradores.

ARTIGO 40:

1.—No caso de que existira ou sospeitárase da existencia dun resgo para a saúde, a Administración Municipal, dentro das súas competencias, adoptará as medidas que estime pertinentes incluso a incautación, inmovilización o decomiso dos produtos, suspensión do exercicio da actividade, clausura dos postos de venda, instalacións, intervención de medios materiais e calquera outra consideración sanitaria xustificada.

2.—A duración das medidas referidas no apartado anterior, fixaranse en cada caso, sen prexuízo das prórrogas acordadas por resolución e non excederán das que esixira a situación de resgo que as xustifica.

ARTIGO 41:

Cando se crea oportuno, procederase á toma de mostras e ó seu análise, o que realizárase de conformidade co establecido na Lei Xeral para a defensa dos Consumidores e Usuarios e o seu Regulamento Sancionador.

TÍTULO SEGUNDO

DAS CONDICIÓN DE VENDA DOS ALIMENTOS

CAPÍTULO I

CONDICIÓN XERAIS

ARTIGO 42:

A venda de alimentos nos Mercados Municipais regularase neste Regulamento, e efectuarase de conformidade a este título e atendéndose ó Regulamento de Manipuladores de Alimentos, á Regulamentación Técnico-Sanitaria de Minoristas de Alimentación e demais disposicións concordantes e complementarias.

ARTIGO 43:

O material empregado para a manipulación e venda de alimentos envasados, reunirá as seguintes condicións:

- 1) Ter a composición adecuada ó fin o que se destinen.
- 2) Non desprender sustancias tóxicas, contaminantes e en xeral, alleas á composición normal dos alimentos cos que deban estar en contacto.
- 3) Non alterará as características de composición nin os caracteres organolépticos dos alimentos.

ARTIGO 44:

A maquinaria, mostradores e vitrinas, así como os elementos de decoración, serán de materiais resistentes, impermeables e de fácil limpeza. Se o mobiliario non está fixo ó chan, disporase dun espazo libre suficiente dende o nivel do chan que permita a súa limpeza. Ademais, os mostradores non prestarán unha superficie irregular que poida constituír un foco de contaminación.

CAPÍTULO II

CONDICIÓN DO PERSOAL

ARTIGO 45:

As persoas dedicadas a manipulacións e venda de alimentos reunirán os seguintes requisitos:

- 1) Estar en posesión do Carnet de Manipulador de Alimentos ou documento acreditativo de telo en tramitación.
- 2) Manter a hixiene e aseo persoal e ter en estado de limpeza a súa indumentaria e utensilios propios de actividade e de uso exclusivo para o traballo.
- 3) Lavarse as mans con auga quente e xabón ou deterxente adecuado, tantas veces como o requira as condicións de traballo, e sempre antes de incorporarse a ese lugar, despois dunha ausencia ou realizar unha actividade allea ó seu cometido específico.

ARTIGO 46:

1) Todo manipulador de alimentos aqueixado de calquera doenza, padecemento ou enfermidade, está obrigado a poñelo en coñecemento do Concello.

2) En calquera caso, o manipulador aqueixado dunha enfermidade contaxiosa por vía dixestiva, ou que sexa portador de xemes, excluírase de calquera actividade directamente relacionada cos alimentos, ata a súa total recuperación clínica, bacteriolóxica ou a desaparición da súa condición de portador.

3) Cando exista unha lesión cutánea que poida estar ou pórse en contacto directo ou indirecto cos alimentos, o manipulador afectado deberá seguir o tratamento adecuado e unha protección impermeable.

ARTIGO 47:

1) Os manipuladores de alimentos teñen prohibido:

- a) Fumar e comer no lugar de traballo.
- b) Empregar roupa non exclusiva para o traballo.
- c) Espirrar, tusir ou soarse sobre os alimentos.

2) Ademais, o manipulador non poderá simultaneamente a súa actividade no establecemento con outra que supoña un foco de contaminación dos alimentos sen tomar as oportunas medidas hixiénicas.

ARTIGO 48:

Prohíbese a presenza non xustificada de persoas nos locais onde se desenrola a actividade.

ARTIGO 49:

Ademais das manipulacións básicas da actividade, permítense o despacho fraccionado, troceado, limpado, envasado, así como a preparación de verduras, pescados, carnes e derivados e en xeral, de todos aqueles produtos que polas súas características e formas de consumo requiran estas manipulacións, sempre que non están prohibidas nas regulamentacións técnico-sanitarias ou normas específicas correspondentes.

Os postos de venda autorizados para a venda de artigos cociñados ou precociñados, elaborados polo mesmo retallista, disporán de obradoiros debidamente autorizados.

ARTIGO 50:

Ademais das manipulacións que non correspondan a unha boa práctica comercial, queda expresamente prohibidas:

- 1) Exender as mercancías fóra dos locais de venda ou en locais distintos dos que correspondan.
- 2) Limpar os despoños no mercado durante o horario sinalado para a venda ó público.
- 3) Expoñer os produtos que regulamentariamente conservaranse en frío, fóra dos mobles frigoríficos adecuados para cada caso, ou mantelos de calquera forma fóra dos mesmos.
- 4) O funcionamento destes aparatos frigoríficos de conservación de alimentos a temperaturas diferentes ás necesarias para cada sistema de conservación mentres conteñan os alimentos.
- 5) Expoñer e almacenar en conservación frigorífica, sen a separación adecuada entre cada tipo de produtos.
- 6) Reconxelar os alimentos.
- 7) Vender alimentos adulterados, falsificados, contaminados, nocivos ou realizar calquera manipulación que supoña unha adulteración dos mesmos ou poida supoñer un perigo para a saúde do consumidor.
- 8) Vender a granel, cando estas formas de venda están prohibidas polas regulamentacións técnico-sanitarias ou as normas específicas correspondentes.
- 9) Envolver os produtos alimenticios con papel, bolsas de plástico ou envases non aptos para o uso alimentario.
- 10) A venda en réxime de autoservicio de produtos non envasados, excepto as froitas previstas de pel dura e incomedible.
- 11) A entrada de animais aínda que vaian acompañados dos seus donos, excepto os cans lazarillos.
- 12) O acceso ó público ás partes do establecemento que non sexan a sala de venda ou servizos autorizados.

13) Arrojar residuos sólidos, líquidos ou gaseosos en corredores ou zonas comúns.

14) Empregar recipientes ou medios de transporte que poidan ocasionar deterioro do pavimento do recinto comercial.

15) Así como calquera outra prevista nas disposicións referentes ó Comercio Minorista de Alimentación, e normas específicas correspondentes.

ARTIGO 51:

É obrigatorio o preceptivo marcado de Prezo de Venda ó Público en lugar visible de tódolos artigos expostos.

TÍTULO TERCEIRO OS MERCADOS MUNICIPAIS

CAPÍTULO I

CLASES, CONCEPTO E RÉXIME XERAL

ARTIGO 52:

Teñen a consideración de MERCADOS MUNICIPAIS, os centros que estableza o Concello en locais adecuados para cubrir as necesidades da poboación, en base á concorrencia e diversidade de locais de venda.

ARTIGO 53:

1) Os mercados disporán de básculas ou balanzas oficiais para comprobar o peso cando o soliciten os consumidores. Así mesmo, disporán dun libro de reclamacións debidamente preparado que estará a disposición do público no Servizo de Consumo.

2) De tódalas reclamacións que se formulen nos mercados, o personal municipal do Mercado cumprimentará a correspondente dilixencia, a efectos de adoptar as medidas disciplinarias que en cada caso fosen procedentes.

ARTIGO 54:

O Concello non asumirá responsabilidade por danos, subtraccións ou deterioro das mercancías e sucesos relacionados ou derivados da actividade ou conducta dos vendedores do mercado.

CAPÍTULO II

MERCADOS MUNICIPAIS

SECCIÓN PRIMEIRA

DOS LOCAIS DE VENDA

ARTIGO 55:

1) Os locais de venda dos mercados municipais son bens de dominio público, e a súa utilización suxeitarase ó réxime xurídico previsto neste Regulamento.

2) Pola súa condición de dominio público, os locais de venda son inalienables, inembargables e imprescritibles.

ARTIGO 56:

Os locais de venda clasificaranse en:

- 1) Mercado de Redondela.
 - a) Sala Central
 - I. Bancadas
 - II. Carnicerías
 - III. Postos por día (peixe da ría)
 - b) Pranta baixa
 - I. Apoiados (froita)
 - II. Bancadas
 - III. Cafetería
 - c) Primeiro andar
 - I. Apoiados
 - II. Supermercado
 - d) Exterior
 - I. Postos no exterior do Mercado
- 2) Mercado de Chapela.
 - a) Caixóns fechados
 - b) Bancadas
 - I. Postos fixos de peixe
 - II. Postos eventuais de calquera artigo
 - III. Cesta de calquera artigo

ARTIGO 57:

1) En cada posto de venda, unicamente poderanse vender aqueles artigos para os que se outorgou a concesión.

2) No interior dos Mercados prohíbese a venda ambulante ou calquera outra actividade que non sexa a propia dos postos.

ARTIGO 58:

Os postos fixos do Mercado Municipal adxudicaranse en réxime de concesión administrativa. En canto os postos non fixos, postos por día, outorgarase licenzia de uso especial do dominio público (estacionamento).

ARTIGO 59:

As vacantes dos postos nos Mercados adxudicaranse por Subhasta. Anunciaranse no BOP e nos Taboleiros de Anuncios do Concello e dos Mercados un mínimo de dúas veces o ano e serán obxecto de concesión por un prazo máximo de 30 anos, mentres que o prazo das licenzias será dun ano. A base da subasta viría dada pola valoración que de cada posto se faga na ordenanza fiscal. No caso de empate resolverase por sorteo.

O Concello excluirá da concesión os postos que estime convintes.

ARTIGO 60:

Poderán ser titulares da concesión ou licenzia as persoas físicas ou xurídicas con plena capacidade de obrar.

1) Entenderase por titular a estes efectos, no caso de persoas físicas, aquela persoa a nome da que se faga a concesión e máis o cónxuxe e os seus ascendentes e descendentes en segundo grado por consanguinidade, afinidade ou adopción.

2) No caso de persoa xurídica, a empresa titular con todas as súas delegacións ou representacións legais ou filiais.

ARTIGO 61:

Cada concesión referirase a unha única unidade de venda.

ARTIGO 62:

Será necesaria a presentación dunha garantía polo importe do 4% do prezo de adxudicación.

ARTIGO 63:

As obrigas serán as sinaladas neste Regulamento e no Prego de Cláusulas correspondente que sirva de base á subhasta.

ARTIGO 64:

O concesionario, ademais do pago dunha soa vez do importe da concesión, estarán obrigados a satisfacer a taxa que se estableza na correspondente Ordenanza Fiscal polo disfrute do posto.

ARTIGO 65:

Os dereitos que outorga a concesión do posto de venda nos mercados municipais de abastos son persoais e transferibles por actos entre vivos ou por causa de defunción do titular.

Nas transmisións entre vivos, o Concello disfrutará do dereito de tanteo e retracto, pola mesma cantidade na que se transmita. Dito dereito poderá exercitarse no término dun mes dende que o Concello teña coñecemento da intención de transmisión e o seu importe.

A transmisión deberá solicitarse con 2 meses de antelación, propoñendo na instancia a persoa en que se pretende transmitir.

Tanto as transferencias a terceiros como as sucesións de descendentes ou ascendentes entenderanse polo tempo que reste ata a caducidade da concesión outorgada ao primeiro titular e para o mesmo uso.

Tanto na transmisión entre vivos, como por causa de defunción, devergaranse a prol do Conce-

llo os dereitos que estén previstos na vixente Ordeanza Fiscal.

En caso de falecemento transmitírase o posto a favor de quen resultare ser herdeiro do titular ou legatario do posto.

De ser transmitido mortis causa, o posto proindiviso a dúas ou máis persoas, estas no prazo de seis meses, deberán determinar e comunicar o Concello, quen de entre elas ha de suceder na titularidade do posto.

De non facelo no indicado prazo declararase caducada a autorización e vacante o posto.

De non haber disposición testamentaria, o posto transmitírase a favor do cónxuxe, fillos, netos, pais ou irmáns do titular por esta orde. Dentro do mesmo grao, darase preferencia a quen xustifique a súa colaboración, no posto, co titular, durante os tres anos anteriores o falecemento deste, e de non habelo, o de maior idade.

No caso de non existir ningún dos indicados parentes, o posto declararase vacante.

ARTIGO 66:

1) Ó termino da concesión e calquera que sexa a causa da súa extinción, anulación ou revogación, os titulares deixarán libres, baleiros e a disposición do Concello, os locais obxecto da utilización.

2) A Administración Municipal, poderá en todo caso, acordar e executar o desaloxo por vía administrativa dos locais sometidos a réxime de concesión ou licencia.

ARTIGO 67:

Por razóns de interese público, a Administración Municipal, no termino de tres meses contados dende a presentación da solicitude de transmisión, xa sexa "inter vivos" ou por "mortis causa", poderá desestimar ou declarar extinguida a concesión, excluindo deste suposto as solicitudes de transmisión de pais a fillos e entre conxuxes e os seus ascendentes e descendentes en segundo grado por consanguinidade, afinidade ou adopción.

ARTIGO 68:

En aqueles casos non previstos neste Regulamento, as autorizacións ou concesións no que respecta ó seu réxime xurídico, quedan sometidas ó previsto pola normativa xurídica de carácter xeral, especialmente polo que dispoña o regulamento de Servicio das Corporacións.

ARTIGO 69:

Os titulares dos postos estarán provistos dun documento xustificativo do seu dereito.

Así mesmo, os colaboradores e o titular deberán estar en posesión do correspondente carnet de

identificación.

Ambos documentos de identificación, xunto co preceptivo carnet de manipulador, estarán en todo momento a disposición da Administración e exhibiranse a requirimento da mesma coa obriga de renovarse en caso de perda, sustracción ou deterioro.

SECCIÓN SEGUNDA

CARACTERÍSTICAS DOS LOCAIS, OBRAS E INSTALACIÓNS

ARTIGO 70:

As características e modelos dos locais, calquera que sexa a súa clasificación, estableceranse polos servicios técnicos municipais. Os titulares adaptaranse as características e modelos, tanto inicialmente como en sucesivas modificacións.

Todos os postos, tanto os que se ubiquen en locais pechados tipo local como os que se ubiquen en bancada, estarán sinalados co seu correspondente número e os en bancada convintemente delimitados, excepto os da pranta superior.

ARTIGO 71:

Todaslas obras e instalacións que se practiquen nos locais dos mercados, serán debidamente autorizadas pola Administración Municipal.

ARTIGO 72:

As obras de construción, adaptación, así como calquera outra instalación que se realiza dentro dos mercados, adaptaranse ós modelos establecidos pola Administración Municipal. Os gastos de mantemento dos locais e instalacións, serán por conta dos titulares das licencias.

ARTIGO 73:

1) Tódalas obras e instalacións que se realicen nos locais de venda e que estén unidas de forma permanente ó chan, paredes e demais integrantes do inmovible do mercado, consideraranse de dominio público municipal.

2) Entenderase que estas obras e instalacións están unidas permanentemente ó mercado cando non poidan separarse da terra, paredes ou elementos sen quebrar ou deteriorar estes.

ARTIGO 74:

1) Ó outorgarse a concesión será obrigatoria a execución das obras de adaptación e acondicionamento dos locais, de acordo cos modelos que fixe o Concello.

2) Previa á autorización da obra, os titulares presentarán os planos e memoria das obras a realizar nun prazo dun mes anterior ó da execución.

SECCIÓN TERCEIRA:

SERVICIOS E INSTALACIÓNS XERAIS

ARTIGO 75:

1) Os mercados de nova creación estarán equipados segundo as prescricións deste Regulamento, e os xa existentes adaptaranse progresivamente á mesma.

2) Serán por conta dos titulares as instalacións necesarias para suministro ós seus respectivos locais de auga, gas e electricidade, así como os gastos de conservación destas instalacións.

3) O suministro de enerxía eléctrica é obrigatorio en tódolos locais.

4) O suministro de auga será obrigatorio nos locais que indique a administración municipal.

5) As cámaras frigoríficas e de conxelación de cada local, reunirán tódolos requisitos técnicos e de seguridade que lle son propios, así como dispoñer das respectivas autorizacións.

ARTIGO 76:

Será obrigatoria o emprego dos peiraos de carga e descarga para a entrada de mercancías, en aqueles mercados que dispoñan destas instalacións. Os horarios de entrada de mercancías fixaranse polo Concello, escoitada a Asociación de Comerciantes.

ARTIGO 77:

Nos mercados onde sexa necesario ampliar a potencia eléctrica, será por conta do Concello a liña dende a saída do cadro xeral ata o local que se indique para a instalación da centralización dos contadores correspondentes ó mercado.

Será por conta dos titulares a liña comprendida entre a centralización dos contadores ou caixas de distribución ata o local de venda, así como o seu mantemento. Igualmente, será por conta dos usuarios, os elementos eléctricos que cada posto necesite para o seu funcionamento.

En caso de ter que renovar a instalación eléctrica, o Concello, tendo en conta a parte mencionada, obrigará ó usuario a poñer ó día a súa instalación e conectar a súa liña de centralización de contadores ó local que os servicios técnicos indiquen.

ARTIGO 78:

Correrán por conta dos titulares das licencias, sen prexuízo de que o Concello poda contratar as pólizas propias que estime convintes, asegurar as mercancías e resgos mencionados ou derivados das actividades do mercado.

SECCIÓN CUARTA:

DO PERSOAL ENCARGADO DO MERCADO

ARTIGO 79:

Para o normal funcionamento do Mercado o Concello nomeará o persoal municipal necesario que terá en todo caso as seguintes atribucións:

1) Abrir e pechar o Mercado ás horas estipuladas.

2) Acompañar ó/a Inspector/a Veterinario/a ou Farmacéutico/a e levantar acta das inspeccións e no particular dos casos en que o referido Inspector/a observe algunha anomalía ou deba proceder ó decomiso dalgún artigo.

3) Levar os libros que recollerán todo o relativo a inspeccións, sancións, incumprimento deste Regulamento e demais normas emanadas da Autoridade municipal e cantas incidencias deban ser reñadas para dar conta á Autoridade municipal.

4) Notificar ós titulares das concesións as comunicacións do Concello que directamente lles afectan.

5) Atender queixas e reclamacións do público e titulares das concesións e transmitir, no seu caso, o Concello.

6) Redactar o parte diario que pasará a coñecemento do Alcalde ou Concellería Delegada.

7) Facerse cargo das mercadorías decomisadas pola Inspección sanitaria e procurar que se destrúan ou se lles dea o correspondente destino.

8) Intervir en calquera anomalía que se produza procurando solucionar e restablecer a orde que se tivera perturbado reflexándoo no parte diario e, no caso necesario, poñer os feitos en coñecemento da Alcaldía ou Concellería Delegada. Velar polo orden e limpeza do Mercado e polo adecuado uso das instalacións de aproveitamento común.

9) Reclamar a actuación da Policía Local cando sexa necesario para o bo funcionamento dos Mercados. En todo caso a Policía Local coidará da orde pública no recinto do Mercado de Abastos.

10) Procurar a conservación e mantemento dos edificios e as súas instalacións, proponendo en todo caso as medidas máis axeitadas para o seu mellor funcionamento.

11) Cantas outras funcións resulten deste regulamento ou lle foran encomendadas pola Alcaldía ou Concellería Delegada.

SECCIÓN QUINTA:

OBRIGAS E DEREITOS DOS CONCESIONARIOS E VENDEDORES CONDICIÓNS DE VENDA

ARTIGO 80:

Son dereitos dos concesionarios dos postos dos Mercados:

1) Explotar os mesmos na forma establecida por este Regulamento durante o tempo da concesión.

2) Ser respetado nos seus dereitos e protexido contra a competencia ilegal.

ARTIGO 81:

Son obrigas dos concesionarios:

1) No caso de persoas físicas os postos de venda serán atendidos polos titulares dos mesmos, ou o seu conxuxe, ascendentes e descendentes en segundo grado por consanguinidade, afinidade ou adopción. Deberase de estar provisto inexcusablemente do carnet de manipulador de alimentos e certificado de non padecer enfermidade infecto-contaxiosa.

2) Cando o titular do posto teña necesidade de empregar a persoa allea o seu conxuxe, ascendentes ou descendentes en segundo grao por consanguinidade, afinidade ou adopción deberá solicitar do Concello a preceptiva autorización, para o que deberá presentar xustificante de Afiliación de dita persoa á Seguridade Social como empregado do solicitante, Certificado Médico de que non padece enfermidade infecto-contaxiosa e carnet de manipulador de alimentos, de ser necesario.

3) No caso de ser titulares da concesión empresas comerciais, mercantís ou cooperativas, para a atención de venda terán que ter un responsable da empresa ou da cooperativa aludida.

4) De non acreditarse a vinculación laboral ou de parentesco establecidos nos parágrafos anteriores, presumirase que o local foi irregularmente cedido ou traspasado, e previa instrución do correspondente expediente, declararase a caducidade da licenza sen dereito algún a indemnización.

5) Deberán satisfacer puntualmente as exaccións que lles correspondan aboar, tendo a disposición os recibos acreditativos do pago dos mesmos. A contía dos dereitos a satisfacer polos titulares, a forma e prazos de ingreso, virán determinados en cada momento pola Ordenanza Fiscal respectiva.

6) Todos os vendedores, sexan ou non titulares das licencias, terán que cumprir as condicións e obrigas establecidas no presente Regulamento, e en xeral, as que imponen o Regulamento de Manipuladores de Alimentos, a Regulamentación Técnico-Sanitaria de Minoristas de Alimentación e demais disposicións concordantes ou complementarias.

7) Cumprir as obrigas derivadas do Ordenamento Xurídico vixente e en especial as relacionadas coa actividade laboral, mercantil e de Seguridade Social ademais das contidas neste Regulamento ou que se decreten pola Autoridade Municipal competente.

8) Os vendedores terán un comportamento respectuoso no cumprimento da súa actividade no mercado e atender en todo momento as observacións do Concello.

9) Acreditar a titularidade da licenza mediante a presentación inmediata do título, cando sexa requirido.

10) Empregar os locais de venda e no seu caso, as cámaras e almacéns, unicamente para a venda, conservación ou depósito das súas mercancías e obxectos propios do seu negocio.

Ningún concesionario poderá variar o destino do posto ou local de que sexa titular sen o expreso consentemento do Concello que poderá acordalo á vistas das necesidades e previo expediente ó efecto.

11) Conservar en bo estado os locais, obras e instalacións e demais espazos e elementos de dominio público que empreguen.

12) Exercer ininterrompidamente, durante o horario sinalado e co coidado adecuado, a actividade comercial.

13) Manter os locais limpos, libres de residuos e en perfectas condicións hixiénicas e de presentación.

14) Contribuír á limpeza, conservación e vixilancia do mercado na forma e condicións establecidas de acordo con este Regulamento.

15) Concluído o horario da venda, tódolo lixo en bolsas de plástico pechadas, depositaranse nos contenedores destinados a tal fin, baixo ningún concepto arroxaranse ós corredores e outros lugares comúns. O titular que necesitase tirala antes da hora, deberá necesariamente transportala a man e nas condicións anteriormente expostas.

16) Atender ós compradores e o público en xeral, coa debida amabilidade e deferencia.

17) Satisfacer as tarifas que correspondan de prezos públicos e taxas de recollida de lixo.

18) Aboar o importe dos danos e prexuízos que o titular, seus familiares ou dependentes poidan causar nos bens obxecto de autorización ou licenza, e nas instalacións ou edificios do mercado.

19) Usar bata branca, guantes e gorro para a cabeza durante o traballo.

ARTIGO 82:

1) Os locais de venda non se ocuparán con máis mercaderías das necesarias para a exposición dos produtos e os previstos para a venda diaria.

2) Tampouco se ocuparán con mercancías os exteriores dos locais nin os corredores.

ARTIGO 83:

Os vendedores están obrigados a conservar no posto de venda, as facturas de pago e demais documentos que acrediten a adquisición das mercancías que expoñan para a venda, así como a súa procedencia. Nesta documentación farase constar o nome do comprador, artigo, prezo unidade e data.

ARTIGO 84:

Os vendedores terán a obriga de respectar e facilitar calquera outra comprobación dos produtos que se venderon, cando así o requira o consumidor, o persoal municipal do Mercado ou os axentes da autoridade.

ARTIGO 85:

Os compradores non poderán manipular o xénero por si mesmos, nin co consentimento do vendedor, estando obrigados os vendedores a expenderlle a mercancía que expresamente lle soliciten.

**SECCIÓN SEXTA:
DA COMISIÓN COLABORADORA
DE VENDEDORES**

ARTIGO 86:

1) Con carácter non decisorio, nin vinculante para o Concello, poderase constituir unha Comisión de Vendedores que represente ós vendedores do Mercado, a cal poderá solicitar, informar e suxerir cantas actuacións crean convintes para a boa marcha do Mercado, canalizando as queixas de compradores e vendedores, podéndose entrevistar co persoal municipal do Mercado ou cos representantes do Concello sempre que o estimen oportuno

2) En xeral, a Comisión colaborará co Concello para a mellor solución dos problemas do Mercado e do seu bo funcionamento

3) A Comisión de Vendedores estará integrada por dous representantes de cada ramo designado por tódolos compoñentes do mesmo que sexan titulares de locais.

4) O Presidente e o Secretario serán designados, entre os seus membros, por maioría absoluta e serán renovados cada dous anos.

ARTIGO 87:

A Comisión celebrará as suas reunións no propio Mercado ou nos edificios municipais, previa petición e dispoñibilidade, nos seguintes casos:

1) Cando as convoque o seu Presidente por propia iniciativa.

2) A petición da maioría dos seus compoñentes.

3) A iniciativa da Alcaldía ou Concellería Delegada.

ARTIGO 88:

Os estatutos de constitución e funcionamento da Asociación de Vendedores, unha vez tramitados, serán remitidos ó Concello para o seu coñecemento. Realizarase o mesmo procedemento coas modificacións posteriores que se fagan dos Estatutos.

**SECCIÓN SÉTIMA:
REXIME SANCIONADOR**

ARTIGO 89:

O incumprimento do establecido neste Regulamento, sancionarase de acordo coa lexislación vixente, e singularmente co previsto na Lei 26 /1984 de 19 de xullo, Xeral para a Defensa dos Consumi-

dores e Usuarios, e na Lei 14/1986 de 25 de abril, Xeral de Sanidade.

ARTIGO 90:

Os titulares dos postos serán responsables por si mesmos e polos seus colaboradores das faltas que cometan contra o presente Regulamento, e demais normativas en vigor que afecten o comercio minorista de alimentación.

ARTIGO 91:

As faltas clasificaranse en leves, graves o moi graves.

ARTIGO 92:

Constitúen faltas leves:

1) A omisión da necesaria limpeza nos postos do mercado.

2) Empregar recipientes ou medios de transporte que poidan ocasionar deterioro do pavimento do recinto.

3) O descoido do aseo persoal dos titulares ou colaboradores.

4) Expender as mercancías fóra dos locais de venda ou en locais distintos dos que lle corresponde.

5) Arrojar residuos e lixo nos pasos comúns, dependencias e zonas de confluencia do mercado.

6) O depósito de envases e mercaderías en zonas comúns, incumprindo normas ou directrices establecidas ó respecto.

7) O transporte de mercancías polos corredores mediante o uso de carretillas en horario de venda.

8) A colocación do peso de maneira que non resulte claramente visible para os compradores.

9) Manter o posto pechado durante máis de cinco días consecutivos, salvo causa xustificada, apreciada polo Concello.

10) O incumprimento do horario establecido en canto á venda, entrada e saída do mercado.

11) Calquera outra obriga desde Regulamento non recollida expresamente como sanción grave ou moi grave.

12) Así mesmo calquera outra que vela tipificada como tal nas disposicións que regulan as infraccións en sancións en materia de Defensa do consumidor.

ARTIGO 93:

Constitúen faltas graves:

1) A comisión de tres faltas leves no transcurso dun ano.

2) A venda de artigos de especies distintas ás autorizadas polo Concello.

3) Causar negligentemente danos ó edificio, postos ou instalacións.

4) O emprego indebido ou sen autorización de bens ou servicios xerais.

5) As defraudacións na cantidade ou calidade dos xéneros vendidos.

6) O peche do posto durante máis de vinte días consecutivos, salvo causa xustificada apreciada polo Concello.

7) A inobservancia das instrucións dimanantes do servizo de vixilancia.

8) Así como calquera outra que veña tipificada como tal nas disposicións que regulan as infraccións e sancións en materia de defensa do consumidor.

ARTIGO 94:

Teñen a consideración de faltas moi graves:

1) A comisión de tres faltas graves no transcurso dun ano

2) As incorreccións, violencia verbal ou física, coaccións, actos de sobornos ás autoridades municipais, así como ó servizo de inspección municipal.

3) Incumprir a normativa en vigor en materia de Sanidade Alimentaria

4) A negativa a exhibir os albaráns da mercanca ou calquera outra documentación relacionada co negocio cando sexan requiridos para eles pola autoridade competente.

5) O escándalo, disturbio ou enfrontamento entre os propios vendedores o co público en xeral.

6) O impago das taxas de recollida de lixo e prezos públicos correspondentes a seis mensualidades, salvo causa xustificada apreciada polo Concello.

7) Ocasionar danos importantes nas instalacións por dolo ou negligencia.

8) A modificación da estrutura ou instalacións dos postos sen autorización municipal

9) A cesión non autorizada do posto ou o seu arrendamento.

10) O incumprimento do disposto no artigo 46 a.

11) As defraudacións por reincidencia na cantidade e calidade dos xéneros vendidos que deran lugar á sanción por infracción grave á disciplina do mercado.

12) O incumprimento grave das obrigas sanitarias ou das ordes recibidas en materia de limpeza e hixiene dos postos.

13) Así como calquera outra que veña tipificada como tal, nas disposicións que regulan as infraccións e sancións en materia de defensa do consumidor.

ARTIGO 95:

Os prazos que se establecen no presente Regulamento respecto das faltas por peche dos postos, non se interromperán pola apertura do posto un ou va-

rios días, con obxecto de simular aparencia de venda. A estos efectos, entenderase que existe simulación cando a cantidade e prazo dos artigos postos á venda non corresponda á que poida considerarse actividade normal do mesmo posto.

ARTIGO 96:

Toda infracción do presente Regulamento e demais disposicións complementarias, sancionarase na forma específica que determine o precepto incumplido, e no seu defecto, a seguinte, tendo en conta o artigo 141 da Lei 7/ 1985:

1) Por faltas leves, multas ata un máximo de 750 €, e a mesma multa para os colaboradores, no caso de que a falta fora cometida por eles.

2) Por faltas graves, multas dende 750,01 € ata un máximo de 1.500 €, e a mesma multa para os colaboradores, no caso de que a falta fora cometida por eles.

3) Por faltas moi graves, multas dende 1.500,01 € ata un máximo de 3.000 €, ou extinción da titularidade do posto, e a mesma multa para os colaboradores, no caso de que a falta fora cometida por eles.

ARTIGO 97:

1) Dentro dos máximos autorizados, a contía das multas fixarase discrecionalmente, tendo en conta as circunstancias do caso e os antecedentes do infractor.

2) Se durante a tramitación dun expediente obsérvase que a conducta do presunto infractor podería dar lugar a unha situación difícil ou imposible de reparar, a corporación adoptará cantas medidas legais estime oportunas, a fin de salvagardar o interese público.

SECCIÓN OITAVA:

PROCEDEMENTO SANCIONADOR

ARTIGO 98:

O procedemento para a imposición de sancións polas infraccións contempladas no presente Regulamento, rexerase polo disposto no Regulamento do procedemento para o exercicio da potestade sancionadora, aprobado polo Real Decreto 1.398/1993 de 4 de agosto.

SECCIÓN NOVENA:

EXTINCIÓN DA CONCESIÓN

ARTIGO 99:

Declárase caducada a concesión na que a actividade da mesma non se exerce durante un mes.

Excepcionalmente e por causas graves plenamente xustificadas poderase autorizar ó titular da

concesión a deixar o posto ou local sen actividade durante un mes, que poderá prorrogarse por outro mes por unha soa vez cando as circunstancias o aconsellen por causas de suma gravidade.

ARTIGO 100:

A caducidade declárase previo expediente con audiencia do interesado e o posto ou local quedarán a disposición do Concello que poderá outorgar nova concesión sobre o mesmo.

Artigo 101:

A concesión considerárase caducada ademais de pola causa prevista no artigo 99 polas seguintes:

- 1) Falla do pago das cuotas mensuais durante doce meses seguidos ou dezaioito alternos.
- 2) Cesión antirreglamentaria da concesión.
- 3) Comisión de falla que leve aparelada a caducidade.
- 4) Grave incumprimento das obrigacións sanitarias ou das ordes públicas recibidas en materia de limpeza ou hixiene dos postos.

ARTIGO 102:

Sen prexuízo do disposto nos outros preceptos do Regulamento, os dereitos de ocupación dos postos e espacios extínguense por:

- 1) Finalización do prazo de adxudicación.
- 2) Renuncia expresa do titular.
- 3) Falecemento do titular sen herdeiros, a excepción do sinalado no último parágrafo do artigo 65.
- 4) Perda dalgunha das condicións que no seu día lle foron esixidas para optar á adxudicación.

ARTIGO 103:

A extinción dos dereitos de ocupación, calquera que fose a causa, os titulares abandonarán e deixarán libres, bacíos e a disposición do concello os locais de venda. O Concello en caso contrario, poderá acordar e executar por si o lanzamento en vía administrativa.

SECCIÓN DÉCIMA:**OBRAS, INSTALACIÓNS E SERVICIOS****ARTIGO 104:**

O Concello non asumirá responsabilidade algunha por danos, subtraccións ou deterioro das mercaderías. Tampouco asumirá a responsabilidade de custodia, aínda cando provea a vixilancia do mercado.

ARTIGO 105:

Sen a previa autorización do Concello, os titulares dos postos non realizarán obras nin instalacións de ningunha clase nos mesmos.

ARTIGO 106:

Será por conta e cargo dos titulares a realización de ditas obras de conservación e mantemento dos mesmos.

O Concello poderá impoñer a realización de ditas obras ou executalas por si sen prexuízo, neste caso, de reclamar o seu importe ó titular correspondente.

ARTIGO 107:

O Concello controlará os servizos de vixilancia xeral, limpeza, conservación e mantemento das instalacións precisas para asegurar o bo funcionamento do propio mercado e dos postos dos que consta.

ARTIGO 108:

Ademais do previsto no presente Regulamento, a inspección veterinaria e de consumo cumprimentará as obrigas e asumirá as atribucións que lle confira a lexislación vixente ou que dicte para toda clase de establecementos e dun modo particular no referente a mercados.

DISPOSICIÓN FINAL:

O presente Regulamento, unha vez aprobada definitivamente e publicada na forma legalmente establecida, entrará en vigor conforme ó previsto no artigo 70.2 e concordantes, da Lei 7/1985 de 2 de abril, Reguladora das Bases de Réxime Local.

Redondela, 30 de agosto de 2005.—O concelleiro delegado de Feiras e Mercados, Turismo, Transportes e Emprego (Por Resolucións publicadas nos B.O.P., nº 162 e 46, de datas 25/08/03 e 8/03/04),
Manuel Pérez Pardo. 2005008014

* * *

MARÍN**A N U N C I O**

En cumprimento do disposto no artigo 12 e seguintes do Real Decreto Lexislativo 2/2004, de 5 de marzo, que regula o Texto Refundido dos Facendas Locais, e o artigo 86.2 da lei 30/92 de 26 de novembro do Réxime Xurídico do Administración Pública e Procedemento Administrativo Común, anúnciase que atópase a disposición do público o Padrón do Imposto sobre Bens Inmóveis de natureza urbana para o ano 2005, por período dun mes a partir da publicación desde anuncio.

Contra a exposición pública do Padrón e dos lixuidacións incorporados ó mesmo, poderase interpoñer recurso de reposición (art. 14.2 do Lei 2/2004), previo o recurso contencioso-administrativo, no prazo dun mes a contar dende a data de remate do período de exposición pública do padrón.



A transmisión deberá solicitarse con 2 meses de antelación, proponendo na instancia a persoa na que se pretende realizar a transmisión. A/o nova/o titular da conesión só poderá realizar unha nova transmisión despois de acreditar que exerceu a actividade durante un período dun ano como mínimo. En caso de que desexe deixar a actividade antes do prazo indicado deberá renunciar á súa concesión e o Concello de Redondela procederá á súa nova adxudicación a través de pública subhasta.

Redondela, a 10 de abril de 2013. — O Alcalde, Javier Bas Corugeira.

2013003457

ANUNCIO

Aprobada definitivamente polo Concello Pleno en xuntanza celebrada en data 4 de abril do ano que andamos, a ordenanza municipal reguladora das instalacións e utilización na vía pública de mesas, cadeiras parasoles e instalacións complementarias, que constitúan actividade de hostalaría con finalidade lucrativa, ao abeiro do artigo 70.2 da lei 7/1985, do 2 de abril, reguladora das bases do réxime local, faise público o contido íntegro da mesma.

ORDENANZA MUNICIPAL REGULADORA DAS INSTALACIÓNS E UTILIZACIÓN NA VÍA PÚBLICA DE MESAS, CADEIRAS PARASOLES E INSTALACIÓNS COMPLEMENTARIAS, QUE CONSTITUÁN ACTIVIDADE DE HOSTALARÍA CON FINALIDADE LUCRATIVA, AO ABEIRO DO ARTIGO 70.2 DA LEI 7/1985, DO 2 DE ABRIL, REGULADORA DAS BASES DO RÉXIME LOCAL.

EXPOSICION DE MOTIVOS

A instalación de mesas e cadeiras na vía pública constitúe un uso común especial do dominio público. O Regulamento de Bens das Entidades Locais, aprobado polo Real Decreto 1372/1986, do 13 de xuño, dispón, no seu artigo 77.1, que o uso común especial normal dos bens de dominio público suxeitarase a licenza, axustada á natureza do dominio, aos actos da súa afectación e apertura ao uso público e aos preceptos de carácter xeral. O artigo 9.7.b do Regulamento de Servizos das Corporacións Locais, aprobado por Decreto do 17 de xuño de 1955, e mailo artigo 44.2 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, aplican a estas licenzas a doutrina do silencio negativo, o que implica que o peticionario da licenza non ostenta un dereito preexistente á súa obtención.

Co fin de regular o outorgamento deste tipo de licenzas de xeito que sexa compatible a utilización do espazo público para goce e tránsito das persoas usuarias da vía pública coa ocupación da mesma por parte dos titulares de establecementos de hostalaría, propónse a presente Ordenanza, na que se adoptan unha serie de medidas tendentes a buscar un equilibrio e distribución equitativa e razoable do dominio público. Asemade, procúrase adecuar a estética das instalacións ao contorno da súa localización co obxecto de dotar dun atractivo singular o espazo urbano do noso Concello.

OBXECTO E ÁMBITO DE APLICACIÓN

ARTIGO 1. OBXECTO

1. A presente Ordenanza ten por obxecto a regulamentación do réxime xurídico a que debe someterse o aproveitamento de terreos, tanto de dominio público como privados, de uso público dentro do Concello de Redondela, mediante a ocupación temporal con terrazas e instalacións análogas que constitúan complemento da actividade que desenvolven os establecementos de hostalaría de carácter permanente.

2. Esta Ordenanza non será aplicada aos actos de ocupación do dominio público de carácter hostaleiro que se realicen con motivo da celebración das festas patronais, feiras e festexos populares, que se rexerán polas súas normas específicas.

**ENTIDADE ADXUDICADORA**

Organismo: Concello de Poio. Xunta de Goberno Local. Servizo de Contratación.

OBXECTO DO CONTRATO

A realización do servizo de prevención de riscos laborais e vixilancia da saúde en todos os centros de traballo do Concello de Poio.

TRAMITACION E PROCEDEMENTO DE ADXUDICACIÓN

Tramitación: ordinaria. Procedemento: aberto con varios criterios de valoración.

TIPO BASE DE LICITACIÓN

12.800,00€ (Gastos e impostos engadidos).

PRAZO DE EXECUCION

Dous anos.

GARANTÍAS

Definitiva do 5% do prezo de adxudicación sen Ive.

INFORMACIÓN PARA OBTENCIÓN DE DOCUMENTACIÓN

Entidade: Concello de Poio. Servizo de Contratación. Domicilio: Praza do Mosteiro, 1, cp 36995. Poio. Tfº 770001, ext. 214 fax 771277. contratación@concellodepoio.es e perfil do contratante www.concellodepoio.es. Data límite para obtención documentos e información: día anterior ao de remate do prazo de presentación de ofertas.

PRESENTACION DE PROPOSICIÓNS

No Rexistro Xeral do Concello durante o prazo de 15 días naturais contados a partir do seguinte ao da última publicación deste anuncio de licitación no BOP de Pontevedra e perfil do contratante de www.concellodepoio.es. Documentación: cláusula 11 do prego.

CRITERIOS DE SELECCION E APERTURA DE PROPOSICIÓNS

Cláusulas 12 e 13 do Pregoe de Cláusulas Administrativas Particulares.

Poio, a 16 de abril de 2013.—O Alcalde, Luciano Sobral Fernández.

2013003494

* * *

REDONDELA**ANUNCIO**

O Pleno do Concello, en sesión de data 31.01.2013 aprobou inicialmente a modificación do artigo 65 do Regulamento dos mercados de abastos do Concello de Redondela.

Con data 22.02.2013 sométese a información pública mediante anuncio no BOP núm. 38 a devandita modificación, sen que se produciran reclamacións nin suxerencias quedando definitivamente aprobada de acordo co artigo 49 da Lei 7/85 de bases do réxime local, de 2 de abril.

Á vista do anteriormente exposto o artigo 65 do Regulamento dos mercados de abastos do Concello de Redondela, queda redactado do seguinte xeito: